



# सानसेयारि बड'सा

सानसेयारि 'बड'सा' खरीरालाइयाव समाज्यादि जिज्यो लोब्ला थाबाय रायथाय, बन्थाय, बल, बल'बाथा आरु दावबायारि थावनि, पार्क बाइदिनि सायाव लिन्नाय लिन्बिबां बैथाय ठर। सानसेयारि 'बड'सा' खरीरालाइया सेबेरानाने फोसावगोन।

बड'सायाव लिन्ठरनायनि दुबा खालाम, 'बड'सा' खरी नौथां, जो बयबो आंगो खालाम।

सानसेयारि बड'सा मावखुनि  
माइवं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Friday ★ 6 September, 2024 Kokrajhar, BTC, Assam ★ Vol.- 34, Issue No.162 R.N.I.Regd.No.40994/91, Assam Govt. Regd.No. IPRD.40/2006/3, ★ Rs. 8/-

## डिब्रुगढ़ मुलुग सोलौंसालियाव फोरोंगिरि सान फालिदों

फोरोंगिरिफोरनि लामा दिन्थिनाया खोमसिनि बान्दोखौ सिमफायनानै जौथि-सोरां नागिरनाय लामाजों सिगांलांनो जौखौ थुलुंगाखां होयो: ड॰ हिमन्त बिश्व शर्मा

दिसपुर, 5 सेप्टेम्बर: आसामनि गिबि मन्थि ड॰ हिमन्त बिश्व शर्माआ दिने डिब्रुगढ़ मुलुगसोलौंसालिनि रंघर मेल जथुमसालियाव मुलुगदांखा सान्थौगिरि, भारतनि बाराग' हादतगिरि आरो सासे गेदेमा फोरोंगिरि ड॰ सर्वपल्ली राधाकृष्णनि जोनोम सानखौ लोब्ला लानानै गोजौ सोलौंथाय आरो फरायसालि सोलौंथाय (□ 5 बिलाइआव)



बिटिसिनि मावफुं सोद्रोमा ड॰ निलुत स्वर्गियारिआ सोलौंथाइआरि जौगाखां बिथांखि मावफुंनायनि अन्थाइ खाम्फा गायसन्दों



कक्राझार, 5 सेप्टेम्बर: गाहाइ मावफुं सोद्रोमा प्रमद बर'नि दैदेन्नाय सोलिफु बिटिआर सरकारआ गुबुन गुबुन सेक्टरजों लोगोसे सोलौंथाइ बिथिडाव

हालामाव सोलौंथाइनि मानदान्दाखौ जौगाखांहोनायनि सार्थआव जाय जै हगौ एरि खामानि मावगासिनो थानायखौ नुनो मोन्दों। बेनिनो विदिन्थि महरी बिटिसिनि फोरमाइथाय आरो सुबुं फोनांजाब बिफान आरो सुबुं देहा इन्जिनियारि बिफाननि मावफुं सोद्रोमा ड॰ निलुत स्वर्गियारिआबो उदालगुरि जिल्लायाव सोलौंथाइआरि फसंथानफोरखौ जौगाखांहोनायनि बेलायाव गोखोडे खामानि माननायाव मुखुब जानायखौ नुनो मोन्दों। बेनिनो बाहागो महरी मावफुं सोद्रोमा ड॰ स्वर्गियारिआ (□ 5 बिलाइआव)

एमएलए जलेन दैमारिआ कुमारिकाताआव फोरोंगिरिफोरखौ मान बाउदों



बड'सा थान्दे/तामुलपुर, 5 सेप्टेम्बर: 5 सेप्टेम्बरआ फोरोंगिरिफोरनि थाखाय मोनसे जर'खा सान। जाय सानआ सोलौंथाइगिरि ड॰ सर्वपल्ली राधाकृष्णनि जोनोम सान। दुलायय हादतनाइ राधाकृष्णनि जोनोम सान 5 सेप्टेम्बरखौ बोसोरफोमबो फोरोंगिरिफोरखौ मान होनायनि असिलायै फोरोंगिरि सान महरी फालिबोबाय थारों। दिनेबो 5 (□ 5 बिलाइआव)

फोरोंगिरि सानावनो तामुलपुरनि कस्तुरबा गान्धी बालिका

विद्यालयनि फोरोंगिरि आरो मावफारियाफोरा हेंथा सोमावसारदों

बड'सा थान्दे/तामुलपुर, 5 सेप्टेम्बर: दिने 5 सेप्टेम्बर, गोथार फोरोंगिरि सान। हादर नाइने दिने फोरोंगिरि सानखौ बायदि बायदि हाबाफारिनि गेजेरजों फालिनाय नुनो मोन्दों। नाथाय सारा आसाम नाइने कस्तुरबा गान्धी बालिका विद्यालयनि फोरोंगिरि आरो मावफारियाफोरा आसामनि सोलौंथाय मान्थिया गावसोरनि सायाव हेंथा बिबुंथि होनायखौ लानानै खुदनाय दिन्थिफुंनायखौ नुनो मोन्दों। हेंथा दिन्थिफुंनायनि थारिखिया आसाम सरकारनि थिसन्नाय बिखान्थियाव कस्तुरबा गान्धी बालिका विद्यालयनि फोरोंगिरि आरो मावफारियाफोरखौ जानागारव दोन्नायल' नड, सोलौंथाय मन्थि रनुज पेगुआ राइजो-



फैगौ 1 अक्टुबरनिफ्राय दावबायारिफोरनि थाखाय मानासनि हाबग्रा



राजानि सिगांखव फोरोंगिरि एबा मावफारियाफोरनि सायाव आरजाथावै बिबुंथिबो लाखिदों आरो कस्तुरबा गान्धी बालिका विद्यालयनि फोरोंगिरिफोरखौ लाजिबो फोनांदों। बबेखानि आसामनि सोलौंथाय मान्थिया थानाय 2 सप्टेम्बर खालाखलि खानापारायाव फोरोंगिरिफोरनो (□ 5 बिलाइआव)



जिल्ला सालबारिनि गुबुन गुबुन ओन्सोलाव रंजा-बाजायै फोरोंगिरि सानखौ दिने फालिनाय जायो। बाक्सानि (□ 5 बिलाइआव)

सालबारिनि गुबुन गुबुन ओन्सोलाव फोरोंगिरि सान फालिदों

सालबारि, 5 सेप्टेम्बर: दिने फोरोंगिरि सान। हादतनाइजों लोगोसेनो राइज्योआव दिने मुलुगदांखा सान्थौगिरि, भारतनि बाराग' हादतगिरि आरो सासे गेदेमा फोरोंगिरि ड॰ सर्वपल्ली राधाकृष्णनि जोनोम सानखौ लोब्ला लानानै फोरोंगिरि सानखौ फालिनाय जादों। राइज्योनि गुबुन गुबुन ओन्सोलाजों लोगोसे बाक्स

राइज्यो बेंगिरि लक्ष्मन प्रसाद आचार्यआ सासे गागि फोरोंगिरिनि न'आव थानानै मान बाउदों ह्यदतनि आबुं गोहोखौ मोनफुंनायाव सोलौंथाइआ मोनसे गोहो गोर बिजों: राइज्यो बेंगिरि

गुवाहाटी, 5 सेप्टेम्बर: दिने फोरोंगिरि सानजों लोब्ला लाखिनानै आसामनि राइज्यो बेंगिरि लक्ष्मन प्रसाद आचार्यआ पलासबारि ओन्सोलनि फुलुगुरि गामिनि गुदि फरायसालिनि 94 बोसोर बैसोनि सासे गागि बाराग' फोरोंगिरि नबिन चन्द्र दासनि नख'रआव थानानै बिथांखौ मान बाउदों। राइज्यो बेंगिरि आचार्यआ आजिरा मोनय गागि फोरोंगिरि नबिन



चन्द्र दासखौ नोगोद 21,000 ममेन्ट', गांसे फोरमान बिलाइ, रंजों लोगोसे गंसे साथ, मोनसे (□ 5 बिलाइआव)

बिटिआर सरकारआ ढालिगावनि आरसिसिसि अडिटरियामआव फोरोंगिरि सान फालिदों

हरि नारायण काख्लारि आरो बडि गुरागाइनो प्रमद चन्द्र ब्रह्म थुनलाइआरि बान्था गथायदों



ढालिगाव, 5 सेप्टेम्बर: हादतनाइ दिने गेदेमा सोलौंथाइगिरि ड॰ सर्वपल्ली राधाकृष्णनि गोथार जोनोम सानजों लोब्ला लाखिनानै फोरोंगिरि सानखौ गुबुन गुबुन हाबाफारिनि गेजेरजों फालिनाय बायदिनो बिटिआर सरकारआ मोनसे मेहेर गोनां हाबाफारिनि गेजेरजों

फोरोंगिरि सानखौ फालिदों। बिटिआर सरकारआ सिगां बोसोरफोरनि बायदिनो दिनेबो चिरंजिल्लानि ढालिगावआव थानाय आरसिसिसि अडिटरियाम, बिजिआर टाउनसिपआव फोरोंगिरि सानखौ मेहेर गोनां फालिदों। दिनेनै बिटिआर सान फालिनाय हाबाफारियाव

बिटिआरनि गाहाइ मावफुं सोद्रोमा प्रमद बर'आ गाहाइ आलासि महरी बाहागो लादों। सोलौंथाइ समाजआव फोरोंगिरिफोरनि गावसोरखौ बाउसोमनानै खामानि माननायनि थाखाय बिसोरखौ मान होनायनि असिलायै बिटिआर सरकारआ खुंनाय बे फोरोंगिरि सान

इउपिएल आरो बिपिएफनि गेजेराव खौसे जानायनि आयदाखौ हाबाफारि बायदियै जायखि जाया सावरायलायनाय जायाखै: गबिन्द बसुमतारि

कक्राझार, 5 सेप्टेम्बर: बर' हरिया मोनसे गेदेत हरि, जाय हरिनि गासै जौगाखांनयखौ हास्थायनानै बड'फा उपेन्द्र नाथ ब्रह्माआ मुलुग लांगोनायाव मोनसे साबथिनथार हरि महरी दाफुंनो हास्थायदोंमोन। - बेबायदि बिबुंथिखौ बाराग' एनडिएफबिनि देदेनगिरि आरो (□ 5 बिलाइआव)



बर' हरिनि गेजेराव बयनिखुडुबो सांग्रांसिन सुबुंफोरानो जादों फोरोंगिरि: अबित नार्जारि

कक्राझार, 5 सेप्टेम्बर: दुलायय हादतनाइ दिने 5 सेप्टेम्बरखालि ड॰ सर्वपल्ली राधाकृष्णनि जोनोम सानजों लोब्ला लाखिनानै फोरोंगिरि सान फालिनाय बायदिनो झारबारि इउएन एकाडेमिआबो मोनसे मेहेर गोनां हाबाफारिनि गेजेरजों फोरोंगिरि सान फालिदों। झारबारि दख'रा दुलायय बर'



फरायसा आफादिनि बान्जायनायाव झारबारि इउएन एकाडेमिआव फोरोंगिरि सान फालिनाय हाबाफारिखौ दख'रा एबसुनि आफादिगिरि पर्सुम बसुमतारिआ मासि लानानै दैदेन्नाय हाबाफारियाव हांख्रायजानाय बायदियै गाहाइ (□ 5 बिलाइआव)

**SOVOLIN<sup>®</sup>**  
Emollient  
(...1964 निफ्राय)  
Soft, Moisturizing Cream  
Glowing Skin 5 मिनिट समनि गेजेरावने  
Skin खौ लाखि "All Day Fresh"













